

甘棠小志

甘棠小吏序
醇曩官京師嘗隨使節之晉之
秦之隴之津門迄乎奉
命漕粟湖南則又歷燕趙
梁陳許鄭申房道柏楚蔡之
畧綜所見於山有大行抱犢
巖縣鑿狐岐霍太姑射喬絳
介中滌雷首鳴滌蒲坂華嶽
華浮脾終南太白九嶷少
峯

陽無勞回中崆峒并頭鴉嶂桃
華式帟晴嵐駝項嵯峨呀朗陵石
龍黃鵠峰火翼際臨嶂巴邛君
山黃陵銅官於水有桑乾巨馬
盧奴寧沱甘洵綿蔓洞渦沙彘
涂滄涑凍潼滴瀉豐潞潏潏
涇渭汭漆電武濡易洑淮泗
派郛潞漳淇衛汶洸沂泗
浚潁潞潁潁潁潁潁潁潁潁潁

親瀆練秦油沛渠澗
錫井陘蒙阮鐵嶺桃林塞有土
門瓦亭絡壑車衢冥阨目咀
口函蕭隴散沓嶢冷泉穆陵武
潼黃峴插嶺諸關東臨渤海西
勝金城大河南沂長江浮洞庭
抵嶽麓湘沅一嘗著有隨輶載
極嶽麓湘沅一嘗著有隨輶載
七種及江程一覽轉漕衡湘筆


記各若干卷凡所經歷纖悉畢
紀比叩曰故鄉一二軼事則茫
無目應竊自笑曰窮千里而不
能自見其睫固應有此與念自
束髮受書曰來足不樂出里開
一歩五赴省試舟過食焦者凡
十乃絕不一登陟其陋可想此
不能自見其睫所由來夫曰知
開門索屈之未敢無失也昔阮


太傅序鄉先輩焦里堂孝廉北
湖小志曰使各郡縣數十里中
皆有一人載筆曰志其事則郡
縣之志可不勞而成醇嘗有感
其言特通藉後十數年來僕二
浙途薄書鞅掌且苦與吾鄉父
老聞絕無從進質往二輟革而
嘆忙呂榮丑寒暑二三知舊時
不知已再閱

有來言及此者曰月寢馳行將
禪矣夫今弗紀懼久而益湮姑
就所知者述之汗漏知不免也
將軍之冊先為序其緣起如此
咸豐一卯燹七月

邵伯鎮圖
吳溝通江圖
漢建安改道圖
晉永和引江入歐陽埭圖
晉興寧沿津湖東寧渠圖
隋開皇改道圖
唐開元開伊婁河圖
唐寶曆開七里港河圖
宋湖東接華長隄圖
明開康濟宏濟河圖
運漕圖
甘肅防圖
隄西湖濬河渠圖
隄東湖濬河渠圖

邵伯鎮圖





吳溝通江圖

淮水

水經注云中潁水自廣陵北出武廣湖東陸陽湖西二湖東西相距五里水出其間下注樊以湖

元和郡縣志廣陵在江都縣北四里州城正直其北水經注云城東水上有梁湖之洛橋

新舊書地理志云江都東十里有一湖塘官守記當時在縣東北十里元和郡縣志合溝渠在縣

東三里又按寰宇記隋開皇九年揚州置總管府城亦改為江都郡移於坊司故唐之江都因隋之舊治也


隋之舊治也

水經注吳自廣陵城東南縣利城城下稍深溝謂之銀江古曰銀溝漢又江都縣城

臨江據臺守記和漢江都故城在舊江都縣治東南五里即吳之故城也

郡國利高書云口即北神壇在淮安府北五里今廢

大江



平安

湖陽射

寶慶在漢為平安梁為安宜今寶慶在漢六里有安宜漢梁始立縣

湖支博

吳溝

高郵

湖陽

湖武

洛橋

縣城

水經注云為道東北出支博支射陽二湖西北出夾即宋夾即未詳所在杜預左傳注云於邗江蘇城穿溝東北通射陽湖西北至末口入淮劉夢得書夾即未即末口

濕建安改道圖

水經淮水又東過淮陰縣北
中清水出白馬湖東北注之

淮陰

寰宇記淮陰縣在山陽
縣西五十里淮水在縣
西二百步


水經注引蔣濟三洲論
曰淮湖射遠水陸異焉
山陽不通陳畝穿溝更
作馬鞭百里渡而劉夢
瑤言畝當作登




謝靈運書征賦云發
津潭而迴道通白馬
以趨於射陽為望
扣溝濟通淮而薄月
城

晉永和引江入歐陽埭圖

水往注自永和中和都水斷
 其水上承歐陽埭引江入埭
 六十里至廣陵城東此即儀
 微運河也方輿紀要儀微有
 歐陽成在縣東北十里又埭
 水往注云江都水斷其城猶
 在也宋書州郡志江都云美
 舊與三湖時江都縣廢晉武
 帝大康六年復之



晉興寧沿湖東穿渠圖



水結注晉興寧中復以津湖
多風又自湖之南沿東出岸
二十里穿渠入北口自後行
者不復由湖

通鑑謝安出鎮廣陵之步邵築壘曰新城袁宇記云
晉書太元十一年太傅謝安鎮廣陵於城東北二十里
郭壘名曰新城城北二十里築壘名邵伯 又云邵伯
城有牛門在縣東北四十里臨合濟渠

隋開皇改道圖

揚子津

歐陽城

漢廣城隋改為江陽縣城隋末遂廢

湖廣武

湖馬白

湖津

湖廣興

湖陽陸

湖陽射

管庫

隋書文帝開皇七年於揚州開山陽漕以通運即此

鎮漢吳

河陽山都工陵宜河陽山都高子橋梁三河陽一應寶

山陽津

泰州運河

萬應寶應志射陽縣城南廠在縣東三河即東至三河西至山陽河

嘉慶揚州府志云高郵山陽河在州東四十五里南通樊漢鎮接江都山陽河東北至三垛橋口

嘉慶揚州府志云茱萸灣在城東北二十里山陽灣在城東北三十里一名山陽灣又名山陽灣隋文帝開皇七年揚州開山陽漕以通運即此山陽河在城東北十里須宜陵鎮北至樊漢運高郵界

唐開元伊婁河圖

新唐書食貨志云杜亞奉集蜀開疏勾成湖受故陂起堰會其城以通舟楫
貞元初縣志合濟渠在江都縣
東二里至德宗開元初杜亞乃作堤
引渠灌城也

舊唐書杜亞傳開伊婁河
二十五里即達揚子縣

揚子津

歐陽懷

洛橋

洛橋

蔡黃溝

山陽溝

湖廣武

湖陽望

湖廣武

湖廣武

湖廣武

湖廣武

河陽山都江

河陽山都江


河陽山都江

河陽山都江

三王河

隋書地理志江陽縣舊曰廣
寶曆十八年改縣曰江
大業初更名江陽舊唐書地
理志云江陽縣貞觀十八年
析江都縣置在郭下與江都分
理置字記云廣陵縣隋初改為
江陽縣唐永徽中入江都縣唐
貞觀十八年長史李操奏割合
濟渠以東九鄉復置有故城在
縣西北二十里謂隔江陽縣故
城在唐之江陽縣西北八里也

唐寶曆開七里港河圖



舊唐書王播傳播時揚州城內官河水漲
遇旱即游漕船乃奏自城南開門西之港
開河東南引西取神智寺橋通舊官河
開鑿極深舟航易濟所開長二十九里


宋湖東接藥長隄圖

玉蓮高郵有樊良堰寰宇記運河在縣
都下通都伯堰按新開湖在城北三里樊
良湖在州北二十里宋始有新開湖長三十
五里已并樊良為一又按宋初高郵亦并為
州故云縣都下

宋史河渠志高郵新開湖
州古河經此而接運渠



塘古



宋景祐中奏為發運使
清舟東下今載石輸新開
湖隄為長隄此新開湖東
三十五里有長隄之始

宋史河渠志云陳侯
之亡與蔡自揚州江
都縣至楚州淮陰
縣三百六十里

明開康濟宏濟河圖

洪澤湖

高家堰

泗水

儀徵河

河州

大河

明開

寶應河

明史河渠志萬曆二十五年
揚州府知府徐大章開南門
三里溝河起(兩)於(東)後
城東溝舊(在)寶應(縣)河

湖仙邵

湖開新

湖前忠

湖光祀

湖馬白

河越伯郎

河前康郵高

河越前

河濟宏應寶

寶應

寶應


湖陽射

明史河渠志
萬曆十三年開
寶應趙河
名宏濟


明史河渠志劉東星開界首趙
河據東渠傳在萬曆三十八年

南河全考萬曆四十年吳桂芳修
得西湖老隄由圖四改挽渠濟
趙河并築中隄權運糧之至今

南河全考萬曆三十八年尚
書劉東星督挑邵伯趙河長
十里官民船隻亦避湖險




圖渠河濬湖西隄





圖渠河潯湖東陵


十
二
月
二
日



東至西計十八里

北至水其河心與高郵汛交界

里十四計約南至北由河下



卷之二

圖

約一百五十六里

約一百五十六里

約一百五十六里

邵伯鎮圖本趙輯五增瑞吳溝通江淮以下十圖本劉夢瞻文
淇甘江汎修防圖本江運廳冊隄西湖潞河渠圖本焦里堂循
隄東湖潞河渠圖本邵伯汎署冊並商之劉瞻衡同字李漢南
鄭右圖凡十有四鄙見所及時有損益中間地多足蹟未經祇
憑採訪落筆之下不無疏舛閉門而所造非車正難云出而合
轍也大雅正之董醇謹識

甘棠小志總目

卷首

序

圖

卷一

記建置第一

記運道第二

卷二

記湖渚第三

記河渠第四

記修防第五

卷三

記坊鋪第六

記里巷第七

記郵鎮第八

卷四

記祠廟第九

卷末

跋

一

甘棠小志卷一目錄

記建置第一

記運道第二

甘棠小志卷一

甘泉董醇醞卿甫著

記建置第一

揚州府統於江蘇巡撫部院江甯布政使司淮揚兵備道轄州二縣六縣之附郭者二其一甘泉甘泉縣轄巡檢司二其一邵伯

江南省巡撫二曰安徽巡撫駐安慶府曰江蘇巡撫駐蘇州府江蘇巡撫轄布政使二道八曰江甯布政使駐江甯府曰蘇州布政使駐蘇州府曰江安糧道駐江甯府曰蘇松糧道駐常熟縣曰驛鹽道駐江甯府曰蘇松太道駐上海縣曰常鎮道駐鎮江府曰淮揚道駐清江浦曰淮徐道駐徐州府曰淮海道駐安

東縣。江甯布政使轄府四。曰江甯。曰揚州。曰淮安。曰徐州。並轄直隸州二。曰海。曰通。直隸廳一。曰海門。揚州府轄州二。曰高郵。曰泰。縣六。曰江都。曰甘泉。曰儀徵。曰寶應。曰興化。曰東臺。江都甘泉皆附郭。甘泉縣轄巡檢司二。曰上官。曰邵伯。

邵伯鎮。古邵伯埭。晉謝太傅安築。後人思安德。邵伯甘棠所由名也。

太平寰宇記言。晉書太元十一年。太傅謝安鎮廣陵。於城東北二十里築壘。名曰新城。城北二十里築堰。名邵伯埭。蓋安新築。後人追思安德。比於邵伯。因以立名。劉夢瞻文淇揚州水道記。

言此邵伯立埭之始是也。夢瞻又言通鑑安出鎮廣陵之步邱。築壘曰新城，是新城卽步邱也。謝靈運之祖元爲太傅兄子，其撰西征賦云：造步邱而長想。欽太傅之遺武。思嘉遯之餘風。紹素履之落緒。民志應而願稅。國屯難而思撫。安於新城北設埭堰水，兼收其入。此賦正敘築壘設埭之事。張文端運河圖說言邵伯步邱也。謝安鎮廣陵，見步邱地勢西高東下，每春夏湖水漲，輒東浸民田，而西又苦旱，安爲築埭以界之高下，兩利名邵伯埭。焦里堂循六湖記言邵伯鎮晉之新城，古之步邱也。邵伯湖側古邵伯埭所在也。按三書說步邱小異，然據晉書及通鑑。

步邱自是新城邵伯埭自在步邱北周止安濟晉略言符堅爲姚萇慕容沖所逼遣使來降且求援安請自出乃築新城於廣陵之步邱而居是也焦氏北湖小志又言今之召伯鎮非古之邵伯埭王乙

宋熙寧中爲殿直

請召埭東濬河百二十里至瓜洲則當

時埭在運河之西橫互水中故有剝劓之煩且今召伯鎮至瓜

洲止九十里乙云一百二十里則召埭必非召鎮鎮當新城

謂新

城湖之東而邵伯湖在鎮北二十里湖名召伯必召埭之所在竊

疑湯家泮橫互東西實界南北古之召埭或設於此夢瞻非之

言李習之來南錄云自洛州下黃河汴梁過淮至淮陰一千八

百有三十里順流。由洛入淮皆北高。南下故言順流。自淮陰至邵伯三百有五

十里逆流。由淮陰至邵伯皆南。高北下故言逆流。自邵伯至江九十里。渠有高下

水皆不流。邵伯至瓜洲亦南高北下。言不流者有埭以堰水也。焦氏以王乙言召伯至瓜

洲百二十里。遂謂召埭必非今之召鎮。習之唐人其來南錄中

皆身所親歷而言。自邵伯至江九十里。與今邵伯至瓜洲之里

數適合。不得謂今之邵鎮非古之邵埭矣。明沈珠奉遷晉太傅

謝公像記言。公淮淝捷後。權奸扇搆。出鎮廣陵。築壘曰新城。相

視步邱地勢。西高湖水洩。嘗苦旱。東漸下湖漲。沒農田。爲築埭

以界之。民享其利。立廟祀之。稱曰甘棠。蓋比之召公。鎮與湖皆

以名。國朝史。夷河防議言。謝太傅築邵伯隄。隄以西無旱憂。隄以東無澇患。民皆便之。其遺愛比之召伯甘棠。張文端亦言。安築埭高下兩利。民以比邵伯甘棠。今邵伯鎮一稱甘棠鎮。倚埭一稱棠埭。鎮瀕湖一稱棠湖。

邵伯司及邵伯驛舊隸江都。自分設甘泉。乃改隸焉。

江都縣原轄邵伯。上官瓜洲萬壽四司。廣陵邵伯二驛。自雍正十年析江都縣地置甘泉縣。分舊城府東屬甘泉。府西屬江都。

新城自小東門外至缺口門。南歸江都。北歸甘泉。

畫舫錄云。舊城西半壁。新城

城南半壁。爲江都治。舊城東半壁。新城北半壁。爲甘泉治。

其邵伯及上官二司並邵伯驛歸

甘泉瓜洲萬壽二司並廣陵驛歸江都。先是雍正九年五月兩江總督尹繼善疏言。揚州府江都縣路當衝要。事務殷繁。附居府城幅員遼闊。應增設一令與江都分疆而治。上允其

請。至是遂析江都縣之西北境爲甘泉縣。以縣有甘泉山故名。

雍正府志言。邵伯驛爲腰站一等極衝。嘉慶府志言。邵伯驛原

設馬四十匹。馬夫四十名。按此據未分設甘泉時驛屬江都而言。雍正十年裁減

馬夫十六名。江都縣撥增馬二十匹。馬夫十二名。按當是自廣陵驛撥來。

今設馬六十匹。馬夫三十六名。草料銀一千七百二十八兩。工

食銀五百十八兩四錢。支應銀四百五十兩。馬價銀九百兩。鞍

轡等銀一百八兩。歲共支銀三千七百四兩四錢。雍正十二年核減草料等銀。歲共五百十六兩六錢。按驛嘗設丞。乾隆二十一年裁。

司所轄地。北東兩面及東南隅。均以縣界爲司界。

北至露筋鎮。北之東至永安鎮。均接高郵界。東至丁溝鎮。接江都界。其稍北爲逍遙港。港北接泰州界。東之北至何家蕩。鄭家圩。其水爲東銀溝。東接泰州界。南之東至俞家莊。接江都界。以上北東兩面及東南隅。甘泉縣境盡於此。邵伯巡檢司境亦盡於此。

南接四境。

典史俗稱四衙故其所轄地稱四境邵伯鎮南沿東運隄一帶
爲仙女鄉邵伯司所轄南界訖於瓦窯鋪鎮稱邵仙女瓦窯鋪
鎮南則屬典史稱四境仙女劉瞻衡同字言揚州近城十里內
外地歸典史在江都境者屬江典史在甘泉境者屬甘典史與
巡司同統於縣四境仙女東界周墅鄉北界水西鄉按當是東北界水西
鄉西界仙女鄉按當是西界運隄西北界邵仙女南界江都東南界江都攔江
埧地西南界江都灣頭地屬甘泉典史此甘泉四境之在運河
以東者也運河以西則觀音山一帶是按甘泉縣境自壁虎橋

以南至缺口

壁虎橋至灣頭一里
灣頭至缺口十里

以運河中分爲界西屬甘泉

東屬江都。壁虎橋以北全屬甘泉。缺口以南全屬江都。邵伯司境南抵瓦窯鋪鎮南。南接四境。邵伯汛境南抵壁虎橋心。南接鈔關汛。此邵伯司與甘泉縣邵伯汛南境之不同也。

西境至赤岸湖。過此爲公道橋。則上官司界也。

北湖小志言黃珏橋至公道橋八里。渡一里公道橋之東北爲赤岸湖地。又言黃子湖高阜處爲赤岸湖。按赤岸湖蓋以湖名爲地名者。阮慎齋先北湖續志言公道橋等處歸上官司轄。赤岸湖等處歸邵伯司轄。又言公道橋卽湖口橋。長二十餘丈。在

揚州城西北五十里。與黃珏橋相距十里。并爲湖中高阜。塵市居民亦正相等。阮文達言。今甘泉縣冊地名曰公道橋。而舊時之寫者呼者則或曰僧道橋。僧度橋。孫大橋。以余論之。以僧度橋爲近是。此地乾隆乙巳大旱。水涸。湖底多古石。當是宋時物。宋時橋梁等工。每用度僧牒銀爲之。蘇州度僧橋卽其遺制。此橋不及蘇州之高。但其用度僧牒銀造之。諒亦相同。特無碑記可考耳。按僧道橋。黃珏橋。皆有鎮。今言者但稱橋。是又以橋名爲鎮名者。

鎮北門舊有真武樓。

樓奉眞武像。北門外路東有泰山宮。里人皆稱其地爲奶奶廟。

罕稱眞武樓者。

詳祠廟篇

鎮南更樓水決爲塘。引漕隄西曲。爲鐵犀鎮之。

張文端河防志言。邵伯更樓康熙三十八年六月衝決。長五十
六丈五尺。水深四丈。難堵塞。三十九年。鵬翮恭奉 聖謨。

下埽堵塞。剋日成功。四十年。置鐵犀一座鎮之。按河水衝決深

四丈。卽今南塘。引漕隄向西曲。

江都陸志言。自倉巷口西向避折而南。至南大王廟築堤。

深塘也。咸豐二年。醇奉

命漕楚南粟過此。爲鐵犀銘并序。

錄之。張文端奏議言。康熙四十年。置鐵犀於運口大墩上。刻銘

詞於犀曰。維金剋木。蛟龍藏。維土制水。龜蛇降。鑄犀作鎮。奠淮揚。永除昏墊。報吾皇。醇按邵伯埭鐵犀亦置於康熙四十年。今尙完整。獨無銘詞。擬此補之。淮水北來。何泱泱。長隄如虹。鞏金湯。冶鐵作犀。鎮甘棠。以坤制坎。柔克剛。容民畜眾。保無疆。億萬千年。頌平康。

今鎮南門瀕塘建青雲樓

樓祀文昌。一名文昌樓。道光二十年建。齊履謙之福有記。言邵伯鎮之南街舊與橋南之小街相接。康熙間被水沖塌。遂名斷街頭。持風鑑者謂街頭宜建崇樓爲一鎮之關鍵。文風財運胥

於是焉賴。鎮人聞之。踴躍從事。相度地勢。鳩工庀材。閱兩月而樓成。顏其上曰青雲街。及今甫十稔。人文蔚起。翰苑蜚聲。而財運亦蒸蒸日上。此固持鑑不爽。亦以見急公者轉移名利之功。爲甚偉也。道光庚子年建。庚戌年立石。石首題新建青雲樓記。記爲邱育卿廣生書。

塘中築隄。界塘爲二。

隄之南。左有寶公橋。又左有寶公寺。因名隄爲寶公隄。橋之始。故明永樂間僧寶公所募造也。江都陸志言。寶公隄在寶公寺右。康熙三十八年。邵伯更樓水決。陸地成淵。水深十數丈。闕近。

一里。行人僦舟以渡。時有覆溺之患。寺僧了愚募造小舟數十隻。載泥填積水底。夾以木椿。實以草埽。隄將出水。而了愚寂化。徒行乘繼其志。歷數年。隄成。重建寶公橋於隄上。往來稱便。甘泉吳志言。寶公隄。建運河東隄腹內。所以攔湖水。便行人。康熙三十八年。官隄決。此隄亦決。後爲寶公寺僧募築。故名。按吳志所云。是更樓未決以前。已有此隄矣。實則樓決爲塘。官隄西曲。然後需此隄也。當以陸志爲允。今隄之右名裏塘。隄之左名外塘。兩塘水會寶公橋下。統名南塘。水東通艾陵湖。幼聞里中父老言。地本民廬。水決時。閩華劉謝四大姓沒其中。隄建後。遇有

盛漲時或傾卸。陳觀國甘泉續志言嘉慶十一年里紳吳堯夫徐元忠丁立人齊述初趙溶川等公議修築。寬三丈。高一丈。長一百五丈。踰舊制三倍有奇。捐銀三千四百餘兩。檢討薛鳳翔有重修南隄記。

隄之南左曲爲小街。築土壘。

小街當鎮南陸路之衝。咸豐四年築土壘。爲濠。西通裏塘。東通外塘。木柵爲門。以時啟閉。

鐵牛灣設揚關。分收稅局。

揚州關務。巡撫委常鎮道督理。關在府城東南隅。挹江門外。今

所稱鈔關門也。邵伯東運隄鐵牛灣武廟。迤南設分收稅局。收落地稅。

鎮當南北水陸孔道。行旅往來。代有記述云。

江都陸志言。邵伯南北水陸孔道。百貨屯聚。烟火萬竈。尹太守會一同善堂記言。邵伯鎮爲南北舟車孔道。烟火萬家。行旅如織。方輿紀要言。洪武元年。巡檢張仁開設邵伯埭。今爲邵伯鎮。置巡司於此。爲水陸孔道。宋史劉錡傳言。紹興三十一年。金主亮南下。錡爲江淮浙西制置使。以兵駐清河口。金人以瑣裏船載糧而來。錡使善沒者鑿沈其舟。自楚退屯邵伯鎮。宏簡錄言。

建炎四年。王德。鄺瓊以輕兵渡江。敗金游騎於邵伯埭。宋史尤
表傳言。表爲泰興令。問民疾苦。皆曰。邵伯鎮置頓。爲金使經行
也。使率不受。而空厲民。漕司輸藁秸。致一束數十金。二弊久莫
之去。乃力請臺閫奏免之。按觀此鎮之衝繁。可知唐李勣有來
南錄內云。自淮陰至邵伯三百有五十里。邵伯至江九十里。又
顏真卿與蔡明遠帖云。竟達命於秦淮之上。又隨我於邗溝之
東。追攀不疲。以至邵伯南埭。梁肅通愛敬陂水門記云。過茱萸
灣北至邵伯埭。湯湯渙渙。無隘滯之患。御覽引述征記云。秦梁
埭到召伯埭二十里。召伯埭到三救埭十五里。三救埭到鏡梁

埭十五里。宋樓鑰北行日錄云。召伯埭去揚州四十五里。三十里過露筋。三十里到高郵。劉一清祈請使行程記云。德祐丙子

帝昞元年

三月初三日宿灣頭。初四日過邵伯寨徑行。明歸有光王

戊

嘉靖四十年

記行云。淮陰六十里至黃浦口。出馬湖三四里入內

隄行至寶應出湖四十里。內隄行至露筋廟出邵伯十八里。江

德藻聘北道記云。自邵伯埭三十六里至鹿筋梁。皆往來者所

記述也。詠賦尤夥。就所記憶者錄之。宋徐鉉邵伯埭下寄高郵

陳郎中詩。故人相別動經年。候館相逢倍慘然。顧我飲冰難輟

棹。感君扶病爲開筵。河灣水淺翹秋鷺。柳岸風微噪暮蟬。欲識

酒醒魂斷處。謝公祠畔客亭前。梅堯臣宿邵伯埭。聞雨因買藕。芙人回呈永叔詩。秋雨雁來急。夜舟人未眠。亂風燈不定。暝色樹相連。寒屋猛添響。溼窗愁打穿。明朝持藕使。書此寄公前。呂本中發邵伯埭詩。柳外鶉鴒相應鳴。屋頭新月半輪生。知君未便爲官去。且放扁舟自在行。曉日烘窗不得眠。夾河高柳亂鳴蟬。西風種種入愁思。更有長亭十里船。蘇轍邵伯埭別少游詩。濛濛春雨溼邗溝。篷底安眠晝擁裘。知有故人家在此。速將詩卷洗閒愁。秦觀次韻子由邵伯埭見別詩。孤篷短榜沂河流。無賴寒侵紫綺裘。邵伯埭南春欲盡。爲公重賦伴牢愁。又還自廣

陵詩四首之一。南北悠悠三十年。謝公遺墟故依然。欲論舊事
無人共。卧聽鐘魚古寺邊。文天祥詩。今朝車馬地。昔日戰爭場。
我有揚州鶴。誰存召伯棠。一灣流水小。數畝故城荒。回首江南
路。青山斷夕陽。釋道潛詩。一道河流遠接天。兩行官柳復蕭然。
村春歷歷鳴何處。彷彿孤烟落日邊。回首山光古寺基。拂天寒
木耿斜暉。孤撐漸與鐘聲遠。但見風幡竹外飛。國朝王士徵
邵伯舟中詩。一望遙天闊。茫茫泛夕槎。樹分甓湖水。月上楚人
家。野戍寒蟲亂。迴隄古廟斜。蕪城前路近。官柳欲棲鴉。宗元鼎
詩。一村烟接眾村平。湖岸荒荒水石聲。鳧陣慣衝雲腳過。漁舠

能敵浪頭行。當年逸事東山興。今日勞人故國情。遠近荻蘆連
暮雨。不知何處是蕪城。王鴻藻詩。匹馬嘶風賦北征。今宵初別
廣陵城。平山望裏應無色。邗水聽來尙有聲。宇宙大觀尊岱嶽。
草茅奇氣赴神京。天涯知己渾難覓。一片黃沙獨遠行。鮑泉詩。
依然風土古揚州。連臂還歌清夜遊。神路白開虹一道。人家明
散月千樓。大河霜色將成凍。衰柳湖光尙帶秋。苦恨壚頭新酒
薄。衝寒空典客中裘。殷譽慶邵伯夜歸詩。暝色亂晴空。炊烟處
處同。水搖雙槳月。岸轉一旗風。沙鳥數叢白。漁燈幾點紅。香醪
沾正美。歸棹莫匆匆。

記運道第二

運河上自高郵三十里鋪入露筋爲甘泉邵伯鎮司境下過本鎮南抵灣頭閘北壁虎橋東岸入江都境又南抵缺口西岸亦入江都境

嘉慶府志言揚州運河上自山陽縣黃浦與寶應縣交界起下過郡城少折而西至三岔河南行至瓜洲入江止爲糧運正道又自三岔河西南行至儀徵縣入江止爲鹽船入江之路按此通寶應高郵甘泉江都儀徵五屬境內運河言之瓜洲入江之路唐伊婁河故道也儀徵入江之路晉歐陽埭故道也運河之

在甘泉境者。北至露筋。東岸南至壁虎橋。西岸南至缺口。邵伯司所轄地。北至露筋。南至瓦窯鋪鎮。南又行水。金鑑言。淮水自高郵州至露筋祠。入甘泉界。十五里至腰鋪。十里至三溝。十里至邵伯驛。十里至東西灣。十五里至高廟。五里至灣頭。十五里至廣陵驛。交江都縣界。計八十里。按灣頭迤北有壁虎橋。橋之北。運河俱屬甘泉。自壁虎橋至缺口。運河東屬江都。西屬甘泉。河水中分爲界。蓋壁虎橋之北。甘泉統運道之全。壁虎橋之南。甘泉分運道之半。

揚州運道。創自邗溝。

左傳言吳城邗溝通江淮。杜預注云於邗江築城穿溝東北通

射陽湖。按在今寶應縣東六十里。西北至末口入淮。末口在漢淮陰縣卽北神堰方輿紀要在淮安

府北五里今廢。通糧道也。今廣陵韓江是。酈道元水經注云昔吳將伐

齊北霸中國。自廣陵城東南築邗城。城下掘深溝謂之韓江。亦

曰邗溟溝。劉夢贈文淇揚州水道記言春秋之時江淮不通。吳

始城邗溝通江淮。此揚州運河之權輿也。於邗築城穿溝。後世

因名之曰邗溝。一曰邗江。而由江達淮皆統謂之邗溝。唐宋以

前揚州地勢南高北下。且東西兩岸未設隄防。與今運河形勢

迥不相同。按邗溝一名中瀆水。水經注說廣陵云城東水上有

梁謂之洛橋中瀆水。自廣陵北出武廣湖。

卽武安湖。府志在高郵州西南三十里。武

安邨。通露筋河。亦名南湖。

東陸陽湖。

卽漾洋湖。府志在高郵州南三十里。公田邨。通小涇溝。西南接艾陵湖。半屬甘

泉。

劉注二湖在邵伯北。

劉氏言蓋古邗溝水由廣陵城東洛橋下北出。

以達於邵伯。

按劉氏所言達於邵伯。謂達於邵伯之艾陵湖。詳見下文。

稱名不一。徙復無常。

邗溝。杜注酈注稱韓江。酈注亦曰邗溟溝。李艾塘斗揚州畫舫

錄言。在左傳稱邗溝。國語稱深溝。吳越春秋稱爲渠。水經注稱

韓江。漢晉間稱漕渠。或曰合瀆渠。或曰山陽濁。隋稱山陽瀆。郡

志稱山陽溝。揚州水道記言。邗溝一名渠水。一名中瀆水。一名

合瀆渠。一名山陽濁。國語吳越春秋皆言。夫差既退於黃池。使告勞於周曰。余沿江泝淮。江從南來。順流爲沿。故曰沿。淮從北來。逆流爲泝。故曰泝。吳引江入邗溝。從邗溝入淮。故曰沿江泝淮。卽指溝通江淮事。漢書以邗溝爲渠水。地理志云。江都有江水祠。渠水首受江北至射陽入湖。水經。淮水又東過淮陰縣北。中瀆水出白馬湖東北注之。酈注。地理志所謂渠水也。宋祝穆方輿勝覽引元和郡縣志云。合瀆渠在江都縣東二里。昔吳王夫差將伐齊。北霸中國。自廣陵城東南築邗城。下掘深溝。謂之邗江。亦曰邗溝。自江東北通射陽湖。今謂之官河。亦謂之山陽。

濁。濁卽瀆也。山南曰陽。邗溝在蜀國之陽。故曰山陽瀆。又云漕河貫城中卽邗溝也。元和郡縣

志李吉甫作吉甫唐憲宗時人其云合瀆渠在縣東二里者據唐之江都縣而言官河卽漕河云貫城中與今之運河形勢不

同。按邗溝以廣陵邗江得名而由江達淮皆謂之邗溝寰宇記

山陽縣下云邗溝水南自安宜縣界流入。安宜今淮陰縣下云寶應縣

濁水。今謂之山陽濁。東南自州郭下西北流經縣北流入於淮。

卽古之邗溝。謝靈運西征賦云發津潭而迴邁逗白馬以憩舫。

貫射陽而望邗溝。濟通淮而薄甬城。時靈運由揚至淮。旣至射

陽。乃望邗溝。則知邗溝之名不專屬之江都矣。文苑英華載楚

州新修伍相神廟記。其文云相與立祠邗溝上。廟在淮安。而云

邗溝尤爲確證。至山陽瀆亦以揚州境內之地得名。當在今寶應境內。

江都高郵寶應皆有山陽河。詳見下文。蓋山陽瀆之水自江都至山

陽入淮。故統謂之山陽瀆。亦猶邗溝爲揚州淮安兩郡之統名。

也。寰宇記以山陽瀆屬之淮陰而不屬之山陽。則山陽不得專

有此名。後人不知山陽瀆爲統名。或以專屬之淮安山陽縣者

非也。

其故道之在今邵伯境者。蓋當今邵伯鎮東。

漢書地理志言江都有江水祠。渠水首受江。北至射陽入湖。劉氏以此爲春秋時吳國及後漢建安以前邗溝通淮之故道。水

經淮水篇言淮水又東過淮陰縣北中瀆水出白馬湖東北注之劉氏以此爲漢建安後邗溝達淮之故道云寰宇記廣陵縣

邵伯埭有斗門在縣東北四十里臨合瀆渠有小渠闊六步五

尺東去七里入艾陵湖水經注中瀆水自廣陵北出武廣湖東

卽武安湖陸陽湖西卽淶洋湖二湖東西相值五里水出其間中瀆水也下注

樊良湖舊道東北出博芝卽博支湖射陽二湖言舊道者以別於建安後由白馬湖之道

也西北出來耶乃至山陽矣艾陵湖在邵伯東七里武安湖在

高郵州西南三十里淶洋湖在高郵州南三十里樊良湖在高

郵州北二十里博芝湖在寶應縣東南九十里射陽湖在寶應

縣東六十里。

夾耶未詳所在。

然則建安以前刊溝運道由邵伯入艾陵。

湖出高郵武廣淶洋二湖之間。下注樊良湖。又由樊良湖東北出至寶應。博支射陽二湖西北出來耶入淮。其時隄岸未設。刊溝水由今東岸以東。諸湖不由西也。又云建安以前運道由射陽湖西北達淮。建安以後運道由白馬湖東北達淮。水經與漢書地理志判然不同。一由東。一由西也。蓋建安以前由東道者。出博芝射陽。逕達夾耶。不由白馬。建安以後由西道者。出津湖白馬。又東貫射陽。乃至夾耶。由白馬至樊良不過百里。較東道爲逕捷矣。按水道記敘建安改道事。指樊良湖以北言之。在今

高郵寶應境內水經注於注樊良後始言舊道明舊道由樊良出博芝始與建安後由樊良出白馬湖異其由廣陵南來先經樊良湖則同然則劉氏所言刊溝運道由邵伯入艾陵湖出高郵武廣滌洋二湖之間下注樊良湖者建安以前如此建安以後亦卽如此未聞改革也艾陵湖在今邵伯鎮東

晉謝太傅安於步邱迤北築埭蓄水而邵伯以名

邵伯埭詳建置篇又水道記言安築埭以堰水兼收其入蓋自穆帝永和中江都水斷其水上承歐陽埭引江入埭地勢南高北下水易下洩故安又於步邱之北築埭以蓄水也按宋眞宗

時發運使賈宗議濬淮南漕渠廢諸堰王臻時為淮南轉運副使言揚州召伯堰實謝安為之人思其功以比召伯不可廢也

至神宗熙甯中鍾離瑾為江淮制置發運使殿直王乙者請自揚州召伯埭東至瓜洲浚河廢二埭謂召伯埭瓜洲埭詔瑾規度以工

大不可就止置開召伯埭旁人以爲利劉氏以此爲召伯廢埭

爲開之始劉氏言王乙本欲廢二埭謂廢召伯瓜洲二埭改爲二開也以開工大僅改召伯埭爲開瓜洲埭未廢云

置開埭旁則開立而埭廢矣蓋開能啟閉與埭不同既已置開必不用埭北湖小志泥於埭旁置開謂雖置開而埭在非也

紹興閒向子諲嘗言運河高江淮數丈則欲通運路不得不資

堰開以宣節其流劉氏謂埭即堰是也第堰則良斷中流不免煩於剝卸

閘則有口通舟隨時啟閉法以後出而益善此召伯改埭爲閘
人之所以爲利也明永樂中邵伯猶有上下二閘

甘泉續志邵伯上下閘洪

武初建邵伯小埭邵伯埭在邵伯下閘口西岸洪武七年埭官成景仁建明史永樂十四年五月修揚州府邵伯鎮上下二閘

正統二年揚州府奏邵伯鎮二閘一埭各設官吏人夫以防高
郵湖水泛溢今湖旣平往來無虞乞裁其半十一年巡按御史
奏揚州邵伯閘埭舊以築隄恐洩水利而設今隄已完其閘埭
亦皆不用其所設官吏人夫皆冗濫乞減省之自是邵伯始廢
閘不用淮安府志云宋向子諲言運河高江淮數丈則知明以
前不獨江不能直達淮淮亦不能直達江也中間數百里藉以

濟運者在揚。乃太子港。勾城湖。愛敬陂。七里港。高郵湖之水。在

淮。乃射陽湖。白馬湖。

射陽白馬二湖。淮安府志以爲在山陽寶應二縣界。

管家湖諸水。故

歷代皆有堰閘蓄。水堰閘廢。則走水乾涸。至黃奪淮後。湖身淤墊。淮始高而運河卑。淮乃入江。觀此。可以知邵伯堰閘興廢之故矣。又按胡朏明渭禹貢錐指言。自金明昌甲寅之徙。河水大半入淮。而北清河之流。猶未絕也。下逮元世祖至元二十六年。已丑。會通河成。於是始以一淮受全河之水。然則湖身淤墊。積漸使然。匪一朝一夕矣。降水大陸之區。神禹之蹟。猶存也。誰歟。其修復之。

隋開山陽瀆。由茱萸灣。歷宜陵樊汭。以達淮。去邵伯境益東。

隋書文帝紀。開皇七年夏四月。於揚州開山陽瀆。以通運。通鑑。

煬帝大業元年。發淮南民十餘萬。開邗溝。自山陽至揚子入江。

胡三省注。揚子。今真州。

渠廣四十步。渠傍皆築御道。樹以柳。劉氏以爲此。

邗溝。由江都茱萸灣入高郵。樊汭以達於淮之始。言晉宋及隋。

開皇前。由淮達江。皆由寶應白馬湖。高郵。樊良湖。至廣陵入江。

陳宣帝太建五年北伐。

太建十三年隋已受周禪。改元開皇。太建五年下距開皇七年。纔十五年。徐

敬成爲都督。乘金翅自歐陽引埭上泝。由廣陵自樊良湖下淮。

是開皇以前。尙由廣陵自樊良湖下淮也。開皇七年。於揚州開。

山陽瀆以通運。則不復由樊良湖矣。嘉慶揚州府志。於江都茱

萸灣云。在城東北二十里。茱萸灣。即灣頭。於山陽溝云。在城東北三十

里。一名山洋濁。又名山陽瀆。隋文帝開皇七年。揚州開山陽瀆

以通漕。卽此。於山洋河云。在城東北六十里。瀕宜陵鎮。一名山

陽河。南接江湖。北至樊汭。達高郵界。於高郵山陽河云。在州東

四十五里。南通樊汭鎮。接江都山陽河界。北至三垛橋口。入射

陽湖。按射陽湖在寶應縣東六十里。高郵山陽河不能徑達射陽湖也。志言其畧耳。萬厯寶應志。射陽

北廠南廠。在縣東三阿鄉。東至三王河。卽三王溝。西至山陽河。是寶

應亦有山陽河矣。三王溝在縣東六十里西南。揚州水道記作北誤。據雍正揚

州府志改正通廣洋湖東北入射陽湖山陽河在三王河之西揚州水道

記作東據萬厯寶應志三阿鄉東至三王河西至山陽河則山陽河當在三王河之西去射陽不甚遠高

郵山陽河北至三垛橋口必由寶應之山陽河而後達射陽也

隋文帝於揚州開山陽瀆蓋由茱萸灣至宜陵鎮達樊汊入高

郵寶應山陽河以達於射陽先是邗溝運道由灣頭至邵伯故

必由高郵之樊良湖隋文帝開山陽瀆由灣頭至宜陵樊汊則

不復由邵伯樊良矣然宜陵之山陽河亦不自隋始寰宇記云

廣陵茱萸溝即茱萸灣在縣東北一十里府志云在城東北二十里寰宇記云十里據廣陵舊

縣而西從合瀆渠東過茱萸埭七十里即宜陵之山陽河府志云在城東北六十里

至岱石湖入西四里對張綱溝入海陵縣界阮昇之記云吳王
濞開此溝通運至海陵倉是宜陵之山陽河吳王濞時已開通
專以運鹽非南北通行之路隋文帝始由此道入樊汭以通往
來煬帝又開廣之胡三省於通鑑開皇開山陽瀆注云春秋吳
城邗溝通江淮山陽瀆通於廣陵尙矣隋特開而深廣之耳於
大業開邗溝注云春秋吳城邗溝通江淮此亦因故道也寰宇
記淮陰縣山陽瀆卽古之邗溝舊水道屈曲多設梁埭隋文帝
重加修掘通利焉是皆謂隋所開之山陽瀆爲吳邗溝之故道
然自隋以前皆由灣頭徑至邵伯不由宜陵則不得謂隋所開

之道與舊道無殊也。按宜陵鎮隸江都。在府城東北六十五里。自灣頭達泰州之道也。樊汭鎮隸高郵。在州城東南六十里。與泰州甘泉縣接界。艾陵湖在邵伯鎮東。宜陵樊汭又在艾陵湖東。宜陵在湖東南。樊汭在湖東北。

唐於邗溝置堰平水。宋天禧間。毀龍舟新興茭莢三堰。召伯堰與北神獨存。

自建安改道由白馬湖之後。歷南北朝不異。宋謝靈運西征賦。發津潭而迴邁。逗白馬以憩船。是亦由西道也。隋開皇大業改由東道。唐初復由西道。新唐書食貨志。初揚州疏太子港。陳登

塘凡三十四陂以益漕河。輒復湮塞。淮南節度使杜亞乃濬渠蜀岡。疏勾城湖。愛敬陂起隄貫城以通大舟。河益庫下走淮。夏則舟不得前。節度使李吉甫築平津堰以洩有餘防不足。漕流遂通。劉氏言平津堰者平水堰也。先是漕河無隄。亞始起隄貫城隄益高。故河益卑。水無節制。故揚州之漕河時復湮塞。吉甫始置堰使漕河之水皆平。郡國利病書謂宋平河之法放於此。五代史周世宗顯德五年上欲引戰艦自淮入江阻北神堰不得度。注云北神鎮在楚州城北五里。吳王夫差溝通江淮於此立堰者以淮水底低溝水底高防其洩也。舟行度堰入淮今號

爲平水堰。是平水堰施於水中。吉甫之平津堰。亦攔河置堰也。置堰於河中。使上下之水得其平。水不得下走。有餘使洩之。故謂之平津堰。水平則無流。李習之來南錄云。自邵伯至江九十里。渠有高下。水皆不流。渠既有高下。而水皆不流者。有堰以平之也。是平津堰之置在河中。斷無疑義。劉寶楠寶應圖經謂平津堰乃攔河蓄水。以濟漕運。當在江都境內。非高寶湖隄是也。吉甫之作平津堰。以平漕河之水。亦非止一處。觀喬惟岳謂建安宋太祖乾德二年以迎鑾鎮爲建安軍。今儀徵縣。北至淮。蒞有五堰。則唐之置堰。必非一處可知。又宋史河渠志。眞宗天禧二年。江淮發運使賈宗

言諸路歲漕自眞揚入淮汴。厯堰者五。糧載煩於剝卸。民力疲於牽挽。官私船艦由此速壞。今議開揚州古河。繞城南接運渠。毀龍舟新興茱萸三堰。鑿近堰漕路。以均水勢。歲省官費十數萬。功役甚厚。明年役旣成。而水注新河。與二堰平。漕路無阻。劉氏言宋史喬惟岳傳。太平興國中。爲淮南轉運副使。遷右補闕。進爲使。淮河西流三十里。曰山陽灣。水勢湍悍。運舟多覆溺。惟岳規度。開故沙河。自末口至淮陰磨盤口。凡四十里。又建安北至淮瀝。總五堰。運舟所至。十經上下。謂過垠也。其重載者皆卸糧而過舟。時壞失糧。綱卒緣此爲奸。潛有侵盜。惟岳命創二斗門於

西河第三堰二門相距踰五十步。覆以廈屋。設懸門。積水俟潮。平乃洩之。建橫橋岸上。築土累石以牢其址。自是弊盡革。而運舟往來無滯矣。五堰未詳其名。然上文云自末口至淮陰磨盤口凡四十里。下云建安北至淮滢總五堰。則五堰在建安之北。淮滢之南。賈宗謂自眞揚至淮汴。厯堰者五。卽指此五堰而言。下文言毀龍舟新興茱萸三堰。卽惟岳傳所言五堰之三堰也。其餘二堰。或以爲卽北神召伯。北神堰在山陽。召伯堰在召伯。卽召伯埭。龍舟堰在揚子橋南。茱萸堰在茱萸灣。惟新興堰未詳所在。以龍舟茱萸二堰例之。亦當在江都縣地。又李保泰江都縣

續志言。宋時自瓜洲至淮安皆爲運河。天禧間。賈宗以五堰剝卸之煩。建議毀堰。五堰乃北神。召伯。茱萸。新興。龍舟也。薛奎因毀龍舟。新興。茱萸。三堰。而留召伯。北神。北神在今山陽縣境。龍舟以魏文帝臨江。試龍舟得名。則當近瓜洲。在淮揚三百里。運河中兩頭總扼以貯水者。後復用向子諲議。於瓜洲作埧以復龍舟。於海陵河口作埧以復茱萸等堰。皆在今江都境內。新興今不可考。五堰之設。淮惟一北神。意新興卽在召伯。茱萸。龍舟間。殆揚承淮下流故堰之設爲特密歟。劉氏曰。李說是也。按淮揚運河五堰。天禧間毀其三。召伯與北神二堰猶存。蓋至神宗

熙甯中鍾離瑾置閘召伯埭旁自是用閘邵伯堰始廢不用

紹熙間邵伯迤北築隄湖東

宋史河渠志光宗紹熙五年淮東提舉陳損之言高郵楚州之
間陂湖渺漫菱葑彌滿宜創立隄堰以爲潴洩庶幾水不至於
泛溢旱不至於乾涸乞興築揚州江都縣至楚州淮陰縣三百
六十里劉氏以此爲揚州運河邵伯以北湖東有隄之始并言
此卽今之運河官隄也按此實今邵伯三溝閘以北運河西隄
其時未有月河月河卽今運河云月河者向由湖運特於湖隄之東創疏一河故稱月河舟由湖運
今運河之西隄在湖東自不得被以西之名劉氏又言知爲湖
邵伯等湖

東隄者以設堰皆在隄東以爲瀦洩故知爲東隄也。月河成始以東隄爲

西隄而別築東隄云乞興築揚州江都至楚州淮陰縣三百六十里是

江都縣始創建東隄皆土隄也。明神宗實錄科臣常居敬再上
河工十二事一砌邵伯湖以免歲修蓋邵伯湖一淺二淺等處
正當波濤衝擊排椿鑲板何能抵禦應盡包石以捍其銳至萬
厯十七年潘季馴修建邵伯石隄一道長一千二百八十丈補
石隄六百十三丈天啟三年九月修築露筋廟湖口石隄長一
百六十丈俱從水中壘土砌隄工程堅鉅至四年十一月工完
先是邵伯湖游浪一遇西風大作鼓浪拍隄行舟往往觸石覆

湖徐國盛先於二月呈詳行委高江二處河官運土實基外砌
甃石內用椿板隄外復栽菱柳以禦驚濤此皆東隄也按據湖
言之隄在湖東固東隄也邵伯月河卽今運河開於萬曆二十八年
據河言之則西隄矣至三溝間以南國朝乾隆閒李奉翰嘗
有添建西隄之議經阿文成公桂奏止迨道光庚戌三十乃成

詳修
防篇

明萬曆閒邵伯鎮北越河以避湖險則今所行之運河也

南河全考言萬曆二十八年正月總督河漕尙書劉東星檄郎
中顧雲鳳署道事揚州府知府楊洵督夫挑邵伯越河卽月長

一十八里闊一十餘丈。建南北金門石閘二座。又建減水石閘一座。迄今官民船隻永避湖險。劉氏以此爲邵伯有月河運船不復由湖之始是也。并言郡國利病書云。宣宗宣德四年八月。御史陳祚言。揚州府邵伯閘。舊設官一員。民夫二百三十人。置盤車挽過舟船。今高郵湖隄及儀真瓜洲埧岸高固。河水積滿。舟經邵伯皆自平流。閘埧官夫盡爲虛設。請移於白塔河。置閘積水。以通浙江蘇松之舟。英宗實錄。正統二年正月。省揚州府邵伯鎮閘官吏。並江都縣守塘夫。先是揚州府奏。邵伯鎮二閘一埧。各設官吏人夫。以防高郵湖水泛溢。今湖水既平。乞

裁其半。又江都儀真二縣舊有雷公上下勾城陳公四塘舊設夫三百三十五人守之。今運河轉輸不絕。塘水宜洩入河。夫可盡罷。事下巡撫高宏核實。宏奏塘水無源。若盡洩之則涸矣。案東晉於邵伯置埭。歷唐及宋皆沿其制。以水不平流故也。明初猶盤埭過船。迨平江伯引進漕。自是淮水入湖。邵伯水皆平流。故司事者謂閘埭無所用。此運河之大變革也。淮既入湖而湖遂險。郡國利病書云。邵伯湖故無越河。其險如高寶湖隄。萬歷初督河科臣請之。業有旨允行。而分導工大。此舉未遑。二十八年。總河漕尙書劉公東星申前書。明年邵伯越河成。自唐宋

通運以來。治河策凡屢變。然蓄水惟恐不足。至國初猶未甚遠。故於瓜儀則復攔潮通江諸閘。於通泰泰興海門則修江海諸堰。於高寶則仿平津之法。而興化爲秔稻區。乃百餘年獨苦水害。環三百里巨浸。以漫衍於腹心。其受無涯。其歸無所。遇上流而無所洄瀦。導下流而無所輸寫。若病蠱然。失今不治。勢將日深。昔害一而利什。今利什而害百。顧氏在明季時。已爲此論。則是邵伯一帶水勢。已常患衝決矣。按明史河渠志。邵伯湖長十八里。劉東星所築之月河亦長十八里。於是邵伯不復由湖揚州府志言。邵伯月河在府城北四十五里。萬厯二十八年。於運

河東築越隄引水行舟以避湖險。越隄在運河之東。此則今鎮北運河之東隄也。又按河因繞越湖險而開。故名越河。自後漕不復由湖。則河爲漕河。無復有以越河名之者矣。

鎮南越河二。一以興工避決口。一以舟行避掣溜。

張文端河防志。康熙三十八年十月。總河于成龍奏。邵伯更樓決口一工。其隄舊有涵洞。隄內原有河形。在平日隄工完整。每歲水發之時。西岸一片汪洋。東岸甚屬危險。是以今歲水漲。卽致漫決。卽堵築完固。亦難堅守。今臣等親詣酌量。不若就此決口之下。將舊引河疏挑寬深。至於河東築做土隄。束水南下。以

固東西兩岸。

上可其奏。成龍復奏。督同道廳親勘決口。

迤東被水衝久。河底太深。難以越過。即使水內築隄。工程亦難驟起。今議將決口西岸繞挑月河築隄。並打攔河埧。使由月河改行。而現在之決口。日後自必挂口。另議堵築。不特省費。亦可濟運道之急。部臣議覆報可。劉氏言。揚州府志。邵伯月河在府城北四十五里。萬曆二十八年。於運河東築月隄。引水行舟。以避湖險。此卽劉東星所築之月河也。在邵伯鎮北。志又云。新月河在邵伯鎮南。舊有南埧。更樓民居稠密。商賈輻輳之所。康熙三十八年。洪水衝決。更樓官隄民屋倏成巨浸。事聞。命

都御史壽甯侍郎于成龍堵築決隄。復開月河一道。自倉巷口

西向折而南。至大王廟止。築南北二埧。鎮以鐵牛。此卽于成龍

所開之月河也。案更樓決隄實張鵬翮堵塞又河渠紀聞。乾隆七年。河督高

斌面奉 聖訓。將邵伯以下歸江之路酌增。請於金灣滾

埧下東西灣地方建滾水埧二埧。下深挑引河。復增挑仙女廟

金灣對過之越河。揚糧廳冊。金灣對過越河長一千丈。乾隆八

年開挑寬深。河越金灣開埧。東西灣滾埧至八塔鋪入運河。以

避開埧行船被掣之虞。南河成案。道光十一年四月。總督陶澍

等奏。前將瓦窯鋪東灣西灣金灣鳳凰等橋埧啟放。洩水尙暢。

惟溜勢橫趨下游。糧船到此行走倍難。五月續奏。揚糧廳之舊

鹽河內。

按此卽乾隆間月河。

普賢墩至觀音庵。應俟水落後改挑月河一

道。卽以所挑之土另築西隄。以避瓦窯鋪至六閘七處吸溜之險。十一月河督張井奏。此道月河辦成。遇水小之年各埧不放重空兩運往還。仍令照舊行走。倘遇三溝閘誌椿長至九尺以外。不論何時。卽將歸江之金灣以下諸橋埧相度機宜。次第啟放。以期暢達歸江。其時軍船入境。卽由新挑越河行走。西隄儘可行。緯旣不致吸溜損船。兼免繞湖行走。其便一也。下有掣銷之路。而上無積漲之虞。不特高寶等處湖身可以早爲騰讓。卽

山盱河埧亦從此應放卽放不必守候重運全完其便二也歸

江之路既已早放運河水勢不致漲滿則歸海之高郵四埧及

揚糧廳之昭關埧亦卽得守且守以保下河田禾而上河亦有

豐收之望其便三也向放歸江各埧水深溜激每貽行旅之憂

今不論何項船隻均可改由越河繞道其便四也疏雖有四便之說其實專

虞軍船掣溜耳十二年三月奏報完工劉氏言萬厯閒所開月河專避

湖險康熙閒所挑月河以東岸決口繞挑月河至乾隆道光所

開月河專避軍船被掣之虞與昔之情形又異矣按康熙之越

河成而正河先已淪爲深塘卽今南塘無復正河之迹今越河已成

正河亦不復有越河之名乾隆道光之越河成而正河如故今糧艘商舶水大則繞越河水小仍由正河此又鎮南兩越河之不同也

甘棠小志卷一

受業江都趙熙和率男增瑞校字